

欽定古今圖書集成

方輿彙編職方典



欽定古今圖書集成方輿彙編職方典

第六百九十七卷目錄

松江府部彙考九

松江府祠廟考一

Blank page with vertical lines for text.

職方典第六百九十七卷

松江府部彙考九

松江府祠廟考一

府志

本府 華亭縣 婁縣 附郭

社稷壇 在通波門外舊志府西北二里後廢
為教場元元貞初知府張之翰祀於西湖道院
至大間知府季祿兒移置太平橋西宋造船塲
際畱倉也明洪武二年遷於今壇

風雲雷雨山川城隍神壇 在集仙門外官紹

塘上元制風師壇在府治東北雷雨壇附於社稷右明洪武二年遷今壇并祀山川城隍

東海神壇 在柘林明洪武十六年建

郡厲壇 在通波門外壕上明洪武三年建

五土五穀神壇 每里一所華婁共八百四十三所明洪武十五年建

鄉厲壇 今附郭并於土穀壇寓祭

城隍廟 在興聖塔院後初在趙店土地廟西宋政和間遷於東南盟素道院側元至正二年

拓地改建六年燬於火郡人孫明緒成之明洪

武三年知府林慶卽興聖殿址興建正統九年

重修景泰元年又火知府黃平請於巡撫周忱

重建成化十五年知府王衡闢寢宮於正殿後

弘治元年五月颶風大作殿宇傾圮知府劉璟

重修廟貌如故正德三年知府翁理再修廊廡

塑二十四司神像嘉靖四十四年復火華亭知

縣聶廷璧捐助落成萬曆二十七年郡人太僕

卿林景暘建坊與門三十五年華亭知縣熊劔

化建臺軒易木以石四十年兩廡建樓四十八
 年落成泰昌元年更崇寢殿丹堊歲增壯麗加
 於昔矣別廟五一在金山衛小官市東明洪武
 二十年指揮僉事李武建一在守禦青村千戶
 所西北隅明洪武十五年百戶吳士景建一在
 守禦南匯千戶所西南隅明洪武二十一年千
 戶陳盟建一在守禦川沙堡明嘉靖三十六年
 建一在守禦柘林堡
 府土地神祠 在府儀門左

縣城隍廟 在府東盟素道院左向於郡城隍
 廟東西兩廡列三縣城隍司明崇禎三年知縣
 鄭友元捐俸剏新規制嚴肅
 土地神祠 在縣儀門左
 五顯靈官祠 俱在後衙府縣廳幕俱有祠
 旗纛廟 在守禦千戶所廳後明正統四年高
 睢建成化八年千戶顧禎重建別廟五一在金
 山衛小官市南明洪武二十年指揮僉事李武
 建一在守禦青村千戶所廳後明洪武二十年

千戶駱聚建一在守禦南匯千戶所廳後明洪武二十二年千戶陳盟建一在守禦柘林堡一在守禦川沙堡

吳輔國將軍廟 在府治西南初名鎮西將軍陸侯廟在府治東石獅子巷側祀吳陸遜陸凱久而廢墜元至正九年復其廟邑人劉廷玉言遜子抗亦忠臣也因并祀焉明洪武初以廟爲惠民藥局十六年重建易今額宣德二年巡撫大理寺卿胡概卽故三皇廟址作新廟遷焉其

屋原爲巡撫廳事議者以爲弗虔天順中知府李惠華亭知縣石玫買地西鄰作今廟成化十四年知府王衡重修且正神位列抗凱於昭穆命道士守之

二陸祠 在崑山元至正五年邑人曹慶孫訪二陸故居址請於行省建今廢

廣衛將軍祠 在普照寺寺有石刻載吳越王祭獻文晉賢陸機之祖

陸司空祠 在城南三里祥符圖經云陸四公

未詳所出俗傳爲陸機廟今廢按晉史機未嘗爲司空爲司空者機之從弟玩也又原化記蘇州華亭縣有陸司空廟元和初有鹽船泊於廟前守船者夜於廟得光明珠則又以爲陸四官矣

築耶將軍祠 在府城東三十五里續志云祀晉左將軍袁崧崧死滬瀆之難境內祀之明正統間重修今華亭沙岡有築耶城遺址尚存相傳爲崧所築有築耶廟

四賢祠 在細林山祀晉張翰及陸機陸雲陳顧野王明萬曆年間郡人張之象建

顧侍郎祠 在亭林寶雲寺東祀陳黃門侍郎顧野王祠址野王故居五代晉時寺僧感夢一日於舊寺得古斷碑云寺南高基野王曾於此修輿地志遂立像建祠元成廷珪詩塵鋪壞壁書千卷土蝕殘碑字幾行

五先生祠 在干山祀二陸及元高士楊維禎錢惟善陸居仁

蔡侍郎祠 在柘林方廣寺

唐宋忠良祠 在府南即靈順行宮明成化間

燬知府王衡重建正德十五年推官周佐請於

朝以祀唐平章侍郎陸宣公贄嘉靖間知府黃

潤以宋丞相李忠定公綱父夔為華亭尉生綱

於官舍議以配宣公疏請從之榜曰唐宋忠良

衛文節祠 在蕭塘鎮祀宋參知政事衛涇明

崇禎間二十一世孫應奎之俊移建月河塘

胡祠 在府學西祀元教授胡存道歲春秋二

仲本學致祭

夏周祠 在府治西南明成化十五年建其地

故實相寺也周文襄忱巡撫江南最久有功於

東南松民思之不置知府王衡因而祠之後嘉

靖己丑以夏忠靖原吉先於未樂間治水著績

能捍大災式合祀典故並祀之

方正學祠 在鶴城書院故址祀明文學博士

方孝孺萬曆三十七年建額曰求忠書院

徐文貞祠 在府學東南祀明少師建極殿大

學士徐階萬曆十九年建

陸文定祠 在白龍潭興福寺左祀明禮部尚

書陸樹聲萬曆三十五年建前建百歲名臣坊

後建見賢堂晚節軒無錫顧憲成有碑記

父子忠孝祠 在華亭縣學東祀明大理寺丞

馮恩暨子應天府通判馮行可戶科左給事中

贈光祿寺少卿楊允繩暨子贈薊州知州楊應

祈萬曆三十五年建

三烈祠 在右文街萬曆三十六年推官毛一

鷺建崇禎二年知府方岳貢重修祀張烈婦陳

氏嚴烈婦許氏烈女楊氏

何祠 在府南祀明涇陽縣學訓導何震知府

何繼之知縣朱執中建私諡孝康先生

周學使祠 在周家藻里祀明提學副使周思

兼巡鹽御史胡繼升榜曰崇正祠私諡貞靖先

生萬曆三十一年建

錢太史祠 在西門外平政橋西祀明修撰錢

福崇禎年建

錢肇陽先生祠 在府城丘家灣祀明蓬萊縣知縣贈太子太保東閣大學士錢大復崇禎年
建

張宮諭祠 在鳳凰山祀明左春坊左諭德張以誠崇禎年建

高義祠 在府治南祀明光祿寺署丞顧正心崇禎年建

吳太僕祠 在南門外祀明太僕寺少卿吳炯崇禎年建

忠烈祠 在鍾賈山祀明深州知州贈太僕寺少卿孫士美及其父訥崇禎年勅建

董文敏祠 在興聖寺後即棠溪書院故址也祀明太子太傅禮部尚書董其昌崇禎年建

錢司寇祠 在普濟橋祀明刑部侍郎錢士貴崇禎年建

夏太常祠 在丘家灣祀明吏部文選司員外郎贈太常寺少卿夏嘉遇崇禎年建

三賢祠 在七星橋側舊有范文正祠明崇禎

年間以唐平章事范履冰宋許國公范純仁合祀焉

皇清順治間范氏子孫又以前兵部尚書贈太傅范鏞前東閣大學士諡文忠公范景文合爲范氏五太師祠在府城東門內

金山忠烈昭應祠 在海中金山三國時吳主皓建祀漢博陸侯霍光今廟燬祀廢而土人各祠於其家號爲金山神主其部有英烈錢侯者以配享別廟在府治南七十步元元統中知府

申秉禮修葺至正六年燬十四年達魯花赤哈散沙頤浩寺僧希顏復之今俗訛爲錢總管廟吳國備史皓嘗疾病有神降小黃門曰國主封界華亭谷極東金山鹹塘風激重潮海水爲害非人力能防金山北古之海鹽縣一旦陷沒爲湖無大神力護也臣漢之霍光可立廟鹹塘臣當統部屬以鎮之由是廟焉宋賜顯忠廟額累封忠烈順濟昭應公廟有吳越王鏐祭獻文云以報冠軍之陰德按冠軍乃霍去病官號與備

史異祭文誤也英烈侯閩人行居第七嘗浮海而商至廟歎曰浮沈罔利何終底止沒事忠臣愈浪生死卽义手立化宋與金戰有陰兵千萬排空而下旌旗著號華亭錢太尉已而敵勢披靡因錫今封見淳祐中趙孟堅所撰碑

華亭縣東嶽行祠 在南匯城內

關帝廟 在華亭縣學舊射圃東今廢別廟七一在夏周二公祠左一在南禪寺右一在龍門里一在千戶所千戶費繼光重建一在葉謝鎮

西楊氏建一在金山衛一在青村所明洪武三年千戶陳叙建

真聖廟 在府治西垣外宋元間建明末樂初郡人孟仲經置地益之天順中知府葉冕重修居民禱祠有飛鶴翔舞之異

趙店土地廟 在府治西昔未邑之日市東名趙店今有神祠謂之趙店土地

姚將軍祠 在府西初在華亭縣治姚宰以廟門北向不利土人遂遷於此今廢

二俊祠 舊在府學東廡二俊晉陸機陸雲也
宋端平間廢元至元間重修

蕭王廟 在縣治西北一在張公道橋東

福順賢德大王祠 在縣治西舊都酒務西宋
祀隋將陳仁杲今廢

忠烈昭應廟 在府南七十步卽金山神霍光

及錢七太尉元元統中知府申秉禮建俗呼錢
總管廟一在蓬萊道院中一在金山

羅神廟 在會仙橋南明嘉靖間馮侍御恩戊

雷陽時其地有羅氏兄弟五人橫肆鄉曲一日
將有所逞欲烹羊而行羊作人言示警因各悔
恨自經後屢顯靈及恩歸偶患日眚感神入夢
而痊遂於宅前建廟奉城隍神於中而列祀之
郡中凡目疾者來禱隨應今香火特盛云

白沃廟 在北俞塘俗呼白骨廟按魯應龍括
異志白沃使君海鹽令相傳當湖初陷使君躍
馬疾走不及以鞭指東南一角水至不沒其地
獨高後人於此立廟

錢公廟 在東門外北四十步

婁縣東嶽行祠 在府城西建置無攷宋右丞

朱諤始大而新之元至正五年災惟真武殿及

廊廡僅存十二年邑人夏濬卽其址重修明成

化元年副道紀曹希聲建玉皇閣弘治五年知

府劉璟重修嘉靖間燬於倭後復建時倭掠金

錢藏掩草蕩有二卒知其事夜往盜之寄一老

者家再往則陷於倭矣後老者以其無主捐建

寢殿將成二卒晝見謂老者曰子如是用財可

矣夜夢嶽帝曰二卒實首功可肖其形以享香

供今殿中東西侍立於地者是也萬曆中郡人

徐琳重修殿西北隅建楊侯神祠爲東嶽掌刑

之神靈爽最赫禱祀輒應里人陳嘉相以地址

湫隘倡緣擴建丹雘鹵簿靡不整肅別廟二一

在張涇堰元大德五年邑人施士亨建一在干

山元大德八年山民潘顯建郡人春日登山賽

禱於此香火特盛

關帝廟 在城西遞運所卽三義廟屬僧住持

別廟五一在倉城知縣章允儒建一在白龍潭
一在大張涇橋一在金沙灘一在莘莊鎮

龜蛇廟 在城南壕上宋咸祐中建

大樹大王廟 在縣西一里

白馬三郎廟 在秀野橋北

靈濟昭烈王祠 在府城西三里宋淳熙八年

建王姓張氏其靈蹟最著自漢以來浙江多祀
之後號爲祠山蘭若

施相公祠 在龍潭寺西

崔府君祠 在龍潭寺右

金龍四大王廟 在西倉城北郡人徐肇台倡

建

李塔廟 在修竹鄉唐太宗第十四子曹王明

貶蘇州刺史後梁開平四年封昭靈侯廟食於
吳

三姑廟 在瑁湖橋側

烈士大王廟 力士大王廟

何大王廟

上海縣

社稷壇 在縣西北初在縣西南徐家浜明洪

武二年移建今壇嘉靖二年重修

風雲雷雨山川神壇 在縣治之南初在縣東

北明洪武二年移建今壇嘉靖二年重修

王穀神壇 每里一所凡七百三十所明洪武

十五年建

東海神壇 在縣東南長人鄉明洪武十六年

建每歲春秋仲月上丁日望洋祭祀

邑厲壇 在縣治北明洪武三年建

鄉厲壇 每里一所明洪武十五年建

城隍廟 在縣西北明末樂間知縣張守約建

天順間知縣李紋重修刻誥文於石萬曆三十

四年燬知縣李繼周重建

皇清康熙二十二年知縣史彩捐俸倡修而真君祠

道士楊兆麟募化興工兼建鼓亭

土地祠 在縣儀門左

李公祠 明嘉靖間知縣馮彬建祀知縣李葵

孟侍御祠 明景泰中建祀御史孟暘

群忠祠 明嘉靖時知縣黃文煒建祀本縣縣

丞劉東陽建平縣縣丞宋鰲鎮海衛指揮使武

尚文浙江鎮撫吳賢鳳陽散官丁爵士民楊鈿

三公祠 在三十保吳淞北祀明都御史海忠

介瑞按察司僉事鄭元韶上海縣知縣敖選初

本保土性磽瘠糧額不均自吳淞淤塞民益凋

敝瑞始奏濬吳淞元韶丈地均糧選申請改折

民甚德之里人王熠捨地捐資立祠江上以識

不忘尚書潘恩爲之記

忠勇祠 在南匯所明嘉靖三十年建祀李府

及子香黍

沈公祠 明嘉靖中巡撫都御史夏邦謨建祀

左布政使沈恩

周方祠 在城隍廟東祀明巡按御史周如斗

知府方廉初嘉靖三十二年如斗廉用邑人顧

從禮議築城禦倭再造海邑士民立廟祀之萬

曆初知縣顏洪範以從禮從祀

潘方伯祠 在舊演武場祀明布政使潘允端
端以參政董漕儲加惠桑梓士民請於官祠之
仰德祠 在川沙堡明萬曆中建祀贈潞安府
同知喬鏜子雲南副使木從祀
喬將軍祠 在西關外祀明都督同知喬一琦
天啓初建
吾東廟 在三十保相傳宋太師劉琦奉祠山
神在所居之左故曰吾東
崇福道院 在三林塘俗呼聖堂

淡井廟 在城西五六里元初此爲城隍廟
東嶽行宮 在新場鎮一在東俗呼郭家廟
關帝廟 在北城上明萬曆十三年建
通濟龍王祠 在滬瀆吳越時建相傳自錢氏
有國神已廟食茲土宋景祐五年太史葉清臣
爲本路漕運因浚盤龍匯禱神有應於是復修
祠貌有清臣祭文刻石

順濟廟 卽天妃宮在縣東北黃浦上宋咸淳
中建按一統志神莆田林氏女生有神異沒而

顯靈始立廟於莆之海中湄洲嶼元至元中封
 護國明著天妃明洪武末樂兩加封號廟後有
 丹鳳樓觀潮者登焉潮洶湧北來至廟門而伏
 過則復起人以爲神後廟燬改建於北城樓上
 水仙宮 在縣治南祀茅竹水仙
 晏公廟 在城西方家浜一在新場鎮
 杜浦廟 在十七保
 江東大王廟 在下沙
 一王廟 在鹹塘

十澤廟 在白蓮涇南
 十仙廟 在黃淄漚西
 南北蕭王廟 在沈莊塘
 夏保廟 在界浜
 浮霄廟 在洋涇北
 高昌廟 在城南陳家橋廟南二里有舊廟皆
 濱浦

砥溝廟 在砥溝浦
 魚鱗廟 劉清君廟 烈士大王廟

懊悔龍王廟

封村廟

青浦縣

社稷壇 在南門外

風雲雷雨山川神壇 在南門外

邑厲壇 在北門外

城隍廟 在縣東北隅

土地祠 在縣儀門左以上俱明萬曆元年知

縣石繼芳建

二陸祠 在縣西南明萬曆八年知縣屠隆建

海忠介祠 在南城壕上祀明都御史海瑞萬

曆間知縣賀仲軾重建

東嶽行祠 在七寶鎮宋時建一在青龍鎮

關帝廟 在南門外弔橋北一在澱山湖口

崧子廟 顧長官廟 火燒廟

斜涇廟

逢陣山九烈夫人廟 並在三十三保

文武二王廟 曹涇廟 曹村廟

洋涇廟 花橋廟 並在三十四保

糜公廟 在廣富林西明楊豫孫有記

陽烏溪廟 在蔡成涇上

聖僧廟 在三十八保

朱聖明王廟 在四十四保

古境廟 在橫泖相傳元兵至此有老人指示

他往居民獲免殺掠以為神祐故祀之今廢

青山廟 在籛山西為杭州洞霄宮莊

奚王廟 梁村廟 保安司徒廟

章廟 章氏香火院 並在四十六保

曹娥廟 在趙屯東村元泰定間姚得昌建明

隆慶元年里人高恩重修娥廟在上虞縣邑人

特祀以勵風俗

紫藤廟 在四十七保

高涇廟 在四十九保

欽定古今圖書集成方輿彙編職方典

第六百九十八卷目錄

松江府部彙考十

松江府祠廟考二
寺觀附

古今圖書集成
職方典第六百九十八卷
松江府部彙考十
寺觀附
府志

職方典第六百九十八卷

松江府部彙考十

松江府祠廟考二 寺觀附

府志

本府 華亭縣婁縣附郭

南禪寺 在府學東宋崇寧中張頭陀於此鑿

地得住世羅漢像邑人異之遂為施水庵頭陀

後為僧名普願請額於朝紹興二十九年賜名

演教禪院後改今額元大德元年中書馬左丞

榜其門曰南山勝地中有綠筠樓雷音堂明為

在城諸禪之冠僧綱司治焉

積慶禪寺 本名坐化庵在府東南與龍門寺

相望元至正辛巳邑人陳源為慶禪師捨宅建

慶坐化肉身在此因名明正統僧慧明請今額

四十八願庵 在府南六十里元僧寶燈建

仁壽庵 在府南六十里元僧修建

北禪寺 在府東北城內宋紹興間僧法寧建

寧先住沂州馬嶠山淨居寺航海至青龍有章

氏者迎止於此發地得古碑云大唐禪寺又得

金銅天王像因建寺焉縣令柳約請名淨居又

名馬嶠寺元燬明洪武中重建萬曆四十五年

修

本一禪院 在妙明橋西北舊北道堂也元至

元末趙道淵為僧易今名

普照講寺 在華亭縣治西唐乾元中建名大

明寺宋大中祥符元年改今額寺有陸將軍祠

世傳地本陸氏園亭因以祠之嘉禾志謂陸機

捨宅為寺舊志辯其妄然謂宅不在邑中而斷

以寺非其地則恐未然寺之側近多陸氏遺蹟
善住教院 在普照寺內東北隅宋皇祐間僧
常矩建內有懷晉軒蓮池瑞像

大慈寺 在府西南十八里北錢市元僧受建

永福庵 在府南十八里元僧福建

興聖教寺 在府東南五代漢乾祐二年邑人
張司空子仁捨宅建明頌蘊法師開山初名興
國長壽宋大中祥符改今額地縱廣踰三十畝
東有池昔傳有龜數尾聞講經則緣砌而上罷

則復去南有浮圖四面九級有鐘樓高及浮圖
之半鐘聲洪亮聞數十里元季寺燬而浮圖與
鐘樓獨存明洪武三年知府林慶以其地三之
二作城隍廟寺僧道安原珍卽廟南建懺堂附
塔而居榜曰興聖塔院正統十二年巡撫周忱
助修萬曆間僧大振斷臂修塔二十七年顧署
丞正心復修鐘樓置田以贍司鐘者

皇清順治七年同知劉作霖興葺鐘樓提督梁化鳳
施資修塔僧德聞明繇協力完工始得重新

焚化院 在府東三里元延祐間僧大祐建

通慶庵 在府東元僧貴建

種福庵 在府南二十五里即古柳塔村也元

僧瑩建明崇禎間僧通凡復建指月堂

真聖堂 在谷陽門內元至正間僧妙淨建

延慶講寺 在守禦千戶所東其地本施家瀆

宋隆興中每遇陰晦有金氣如柱互天間有聞

鐘聲者吳僧守詳結茅蘆葦中以衆力成十六

觀堂乾道六年賜額明洪武初嘗籍於官十六

年僧永權奏復正統中重修其後僧普智善啓

等相繼營建內有玉龍洞天碧雲澄懷二堂嘉

靖間廢改為鹽運司公署即今新察院佛像遷

南關外曰延慶移山董楷有重興寺記

梵修寺 宋淳熙間建淳祐中賜額

龍門寺 在集仙門內橋東宋僧如喜開山於

黃土橋淳祐元年賜額元至正二十年遷於此

中有聽雪軒左有龍淵遇旱不竭凡鄉貢舉子

必於此設祖餞元季蕩燬明末樂六年重建

崇福寺 在府城東四十里地名蕭塘宋華嚴

可師建師衛涇族孫紹興間捨宅建寺請額

西報德懺院 在府南三十里宋達講師建

慈濟庵 在府東八十里宋嘉定間僧林建

為善庵 在府東四十里宋紹興間僧宣慧建

蓮花庵 在府西三十里元延祐間建

東禪禪寺 在府城東四里初桃花庵也宋時

蜀僧性空憩其中紹興初僧道因即其地開山

六年賜額寶勝禪院後為寺以居府東遂名東

禪焉明洪武中陞為叢林末樂中重修隆慶元

年僧天霞建天王殿青蓮閣萬曆間僧碧空重

建西方殿每歲有司迎春於此駐節

化成末壽寺 在府南二十七里其址古胥顧

泖也泖有六和神靈甚宋端平間僧妙智苦節

清修近泖架一室奉神神顯靈於人凡禱祈者

以所驗重輕發土實泖末幾泖隆然遂構精舍

曰化成庵元泰定中賜額

普門院 在古際畱倉東其初沼也元至元十

六年杭僧普蓮傍沼結廬食三白勵志清修漁
於沼者日挈塊土基之乃利由是基益大一日
夢伽藍神曰詰旦黑白二童來白者可度期而
果然蓮與白者坐白坐於几蓮默契曰此人高
如我也因留為徒名妙淵竟成勝刹

喜見庵 在府東北七里元至順間喜菩薩建
有靜寄軒

寶雲寺 在府城東南三十五里亭林鎮初名
法雲在市西北唐大中十三年建晉天福五年

湖水壞寺始遷於今所其地即陳顧野王故宅
寺之初成有野王顯夢事因祠為伽藍神宋慶
曆六年重修治平中賜今額明洪武中僧戒智
重建天順六年重修

松隱寺 在府南二十七里元至正間僧德然
參珙石屋屬然緣在吳松書松隱二字遂來此
結茅而居足不越閫者三歲里人山子才割地
建庵有雨花軒有寶塔與興聖西林禮塔相望
小松隱庵 在府東南三十里

大覺庵 在府東南三十里元至正間僧貴建
方廣教寺 在柘林鎮唐咸通中建蔡侍郎功
德院宋建隆中賜額延壽院後爲寺有蔡侍郎
祠蔡墓亦在寺側石幢猶其故物相傳蔡侍郎
捨宅爲伽藍寺然無稽考惟石幢題云唐咸通
六年蔡贊助緣耳初寺濱海元皇慶元年僧正
滿等別營一區俗呼新寺有觀音像里人鄔氏
得之海中嘗見夢於僧法元迎歸事之禱無不
應至今祠焉

萬壽院 在府西七十里宋淳熙間僧與芬建
觀音庵 元至大間僧靜澄建在泗涇鎮

平等庵 在府東南六十里唐福田庵址元泰
定四年僧志建改今名明嘉靖初包侍御節與
弟孝讀書於此後燬於倭僧本煜宗城重修構
海雲閣萬曆間道銓置田三十畝

撻堰庵 在府東南六十里元泰定間僧賢建
莫蘇庵 在府東南七十里元至正間建
慈觀庵 在府東南三十里元至正六年建

蔣莊庵 元至正間僧岳安建後圯明成化間僧道明重建

明行教寺 在南橋鎮晉天福五年里人蔣漢城捨宅建吳越錢忠懿王名曰安和院宋太平興國八年賜額為明行寺明仍舊名萬曆初竹院住持養空興建一新

皇清順治六年僧了赤與徒明法重修

延恩寺 在二十六保宋延祐間建南廣福寺 在二十一保宋嘉泰間里人鄒運

幹捨宅建俗呼鄒家寺僧宗印請額寺臨黃浦浦自西至此則折而北流矣

明心教寺 在縣西南六十里後梁開平初建僧通開山初名華嚴院宋治平二年賜今額寺有石函觀音像禱求響答及華嚴寶塔義虎講臺治平間有希最法師居此講經緇流愛而畏之號曰義虎古檜二本元豐所植至今存焉

東報德懺院 在十一保宋咸淳間僧友權易徐氏地結庵度徒普潤成勝刹

崇福庵 在府東南三十里宋咸淳間僧妙建
志巖庵 在府東南八十里宋淳熙間僧守端
建明萬曆中僧性方置田

本際庵 在府東南八十里元延祐間僧本中
峰建趙孟頫書額崇禎元年僧明正重修

慧海院 在府治東南錢府十二峰前元建

證覺教院 在府治西南本無礙浴院宋太平

興國二年徐可潯建大中祥符元年賜額今廢

慧燈塔院 在里仁坊內元大德四年僧智燾

建其址卽錢府之雲漢閣望月臺也

華藏懺院 在槐安坊內元僧融照建延祐二

年鄧文原有記

瑞應教院 在本一院東宋淳祐四年天台僧

成從善遊雲間超果寺見井中瑞光應於卞百

十一學諭花園從善募此地以成院明正統六

年僧智中法嗣文函文旭鼎新圓通寶殿方丈

等室萬曆五年僧居素於正殿之後復建彌陀

殿鑄接引佛奉焉

點頭庵 在馬嶠寺東北明萬曆三十四年僧

檀林建

小石林 在通波門外集賢橋北明萬曆中僧

性霖建

具足庵 在府北門外陸文定墓東仙天和尚

舊蹟明天啓間僧正果重建改名廻龍庵

華藏庵 在府北門外陸文定墓北明天啓間

僧雪朗建

弇山精舍 在府北門外僧天懿開山建

大樹庵 在洞涇以大樹名侍郎錢士貴建

香光庵 在洞涇李氏世桂堂後一名壽量庵

末生庵 在府東門外白骨廟界明天啓二年

僧大會建

曇花庵 在府東門外北城河明萬曆乙卯僧

碧峰建

如是庵 在府東門外

無畏林 在府東門外僧起凡建

則永林 在府東門外賢游涇明崇禎間里人

葉舟捨宅延海行居之舟葬母庵側歿亦附焉
逝多林 在府城東雙板橋北明崇禎十三年
僧通曙建

永生庵 在曹家橋南明崇禎元年僧通燈建

積善庵 在府東門外顧園後普門禪室古蹟
僧如澄建

賜子庵 在十四保僧寂玉寂孝建

資福寺 在府城東十五里古名祥澤庵元至
正初建明宣德間請額吏部郎中程南雲題

積慶寺 在顧亭林市東宋淳祐中寶雲寺僧
靜月建

祝聖庵 在祝家港明萬曆七年建中有巨蟒
歲或現形天啓間庵火蟒遂絕崇禎二年重建
水月院 在葉謝鎮元至元間建明景泰間壞
於水成化間僧福勝廣瑄重建

寧海庵 在滌闕宋紹興七年建明嘉靖甲寅
倭燬萬曆元年興福寺僧重建

法華禪院 在十二保明萬曆僧真澄如朗建

大覺庵 在曹涇北僧行寄建

圓通庵 在十三保宋咸淳中道者明無構并亭架庵奉普陀大士像而居其後薙髮遂與徒明空竣工明永樂初爲陳祭酒詢讀書處萬曆三十四年僧性德海受重修因地在萬年涇名爲萬年寺

永寧庵 在十三保明永樂丙申陳禎捨地建

貞靜庵 在閘港南僧超塵建

寶峯庵 在百曲港僧行徵道弘建

廣福庵 在十五保里人爲僧道溥建

臥龍庵 在十五保明崇禎元年宋琬與弟道

昌道華存獻同建知府方岳貢題名

旭陽庵 在十五保拱際橋里人楊可任男嘉

林建奉府帖申復鄉約所

護心庵 在十五保三橋明崇禎三年僧海明里人陳達朱週助田九畝

瑞芝庵 在浦東埧石橋建時地生五色芝故名侍郎錢士貴建

仙鶴觀 在府南朝真橋東始創在橋之西宋
紹興三十一年處州天真觀道士葉太真復建
請於朝卽東晉廢觀舊額賜今名元至正中道
士吳大亨重修明初以其地設太平南倉道士
陸允中始遷於此其地故張氏祠堂也觀雖小
爲府境琳宮第一道紀司治焉

蓬萊道院 在府東門內元至正中道士李德
安建明洪武十三年道士金志信等重修東廡
有梓潼神舊祠於縣學祠後有竹林大比歲以

筍迸室中卜薦士之多寡近神坐則占前名其
驗如響成化六年提學陳選以神道家者流非
學所當祀道士李朝陽因請祠於此仍塑呂真
人配之建利濟侯祠正德十四年秋震雷碎殿
柱嘉靖初道士衛大溥率其徒鍾秉彝復修萬
曆間俞汝爲倡建八仙祠於東偏

盟素道院 在府治東南舊城隍廟側元至元
二十七年天台桐柏宮祝知觀剏始至正十二
年道士吳蟾友王元靜建明成化五年旱知府

田臻禱而得雨命住院王惟端重修正德四年
道士王大經建三清閣

大興道院 在蕭塘鎮元至正中建

太清道院 在俞塘明洪武元年道士吳松谷

建萬曆間改太清禪院僧蘇湛然重建

太古庵 在府西三百步

施水庵 在府東南五十四里至元間道士葉

雲建

上真庵 在翁家莊西距府七十里元泰定二

年道士蕭野雲建

朝元道院 在泖口元大德間道士陸景真建

朝真道院 在干山元至正二年道士郭松溪

建明萬曆中重修建餐霞館

圓通道院 在府南會星橋西北宋建名城南

道院元至元間易今名邵亨貞記

衍慶道院 在縣學前徐家橋南今廢

圓真道院 在延慶寺南元至元初建

靈真道院 在金家巷元至元末郡人建和寧

保濟經會於此後通判柳應元主之易今名

西湖道院 在演武場北元至正元年道士邵

以中建明正統十四年道士計一寧修其地舊

西湖也故名今猶有小渠自太平橋西流折北

而匯其前為城中幽勝處成化二十二年道士

蔡靜元修

清寧道院 在府西資福橋

東陽道院 在府治西北

安于道院 在通波門內宋咸淳間王蒲友捨

宅建舊傳安于二人讀書於此故名明天啓間

復建關聖祠文昌閣山門奉溫元帥極有靈驗

靈順行宮 在府治西南元至正初郡人築宮

祀焉明景泰中知府葉冕增修成化間燬知府

王衡重建今改祀陸宣公李忠定而遷神像於

別室

錢明宮 在東門外

碧霞行宮 在東門外明嘉靖間建舊名紫霞

仙山道院 在府東南以鄉名

鳳仙道院 在漕涇元至正間徐六萬戶建明末樂初燬於倭正統間里人楊拯重建

冲和道院 在青村元至元末陶宗海建

會真道院 在莘莊

西真聖堂 在南橋元至正二十年建道士馮

堯民杜景純重修

天王堂 在蓬萊院後道士孫以達修

實相寺 在府西南吳輔國廟後唐乾符元年

建本清禪寺宋大中祥符元年賜額今為夏周

祠

超果講寺 在府西南三里瑁湖橋之右本名

長壽唐咸通十五年心鑑禪師建按洛陽伽藍

記武后以齒髮既老建長壽寺於東都改元長

壽高僧傳心鑑禪師藏奘蘇州華亭人大中初

修洛下長壽寺勅奘居焉奘後歸鄉建寺復名

長壽宋治平元年改今額有觀音大士像本錢

武肅王宮中所祈禱者寺東為天台敎院元末

寺燬於兵明洪武中主僧景祥重建歷祥耐大

與德奎宗尚各有興葺至正受而備凡樓殿橋門以次皆新香火特盛

福田寺 在柳濱宋淳祐十年修武郎錢仲圭建僧然開山景定中賜額

廣化漏澤院 在超果寺西北宋崇寧中僧末珍建紹興三年賜額

妙嚴教寺 在府城西東嶽行祠之東宋咸淳間僧智建本三乘庵改妙嚴院寺仍院名宗白雲教元至正間重建勅賜爲寺明景泰二年僧

昕東谷重建佛殿塑像併中山門十八應真像出丘彌陀手眉目如畫爲寺名蹟萬曆三十四年僧性靜智禪修四十七年復修毘盧閣

慧日院 在佘山中庵也宋太平興國三年僧法慶建後燬明萬曆初里人葉師會倡緣僧圓實重建崇禎末雪嶠信禪師來憩東峯其徒徹崖後遂主院事焉

示應庵 在白龍潭東北宋淳祐間僧瑄建久廢明萬曆間僧明心真蔭卽故址重建

賜子定光庵 在白龍潭西僧古月建造

西禪寺 在府西白龍潭上宋嘉定間僧法因

建旁有浮圖端平間賜額西禪與福寺又名龍

潭寺元燬明洪武中重修萬曆間僧聯輝重建

藏經閣僧月印重造關帝殿生生閣

皇清順治十六年僧心一募修萬佛閣內有聽雷堂

西林禪寺 在府西慶雲橋北宋咸淳間僧睿

建前有寶塔明洪武二十年僧淳厚重建正統

間僧法瑋徙建於後復建毘盧閣

皇清順治十七年僧成行重修

法忍教寺 在朱涇鎮唐咸通十年建宋法忍

院其地本船子和尚覆舟處寺有船子及夾山

會禪師遺像至今祠焉有魯般殿推篷室萬峯

秋軒元季兵燬明崇禎中程肇光倡修

普福庵 在府南三十五里元至正間建明崇

禎四年僧湛如移建于永昌橋北

崇壽庵 在府南五十里元僧瑩建

董墳庵 在府南五十里明洪武六年僧壽建

金道成庵 在府西南四十里元至正三年建
東林禪寺 在法忍寺東俗呼東法忍元至大
初僧妙因建本觀音堂皇慶初改額爲寺明初
僧至益重建

延壽院 在府西南李塔匯宋嘉定六年僧元
信自定海來卓錫于此里大姓錢氏捨地建初
名澄庵又名圓通寶祐咸淳間僧如霑始易今
額後燬于兵僧照重建院臨驛道府人祖餞以
此爲節明萬曆間里人錢大復特爲鼎新其後

卽祠于禪堂之右

皇清順治十六年知府祖永勳捐俸重修本名禮塔
今云李塔疑亦以曹王明故也

寶藏禪寺 在海慧寺西宋熙寧初邑人吳延
亮建白牛禪師開山紹興五年賜額寶藏護國
禪院寺因舊名

定光庵 宋景定間僧通建

報恩寺 在七保宋僧祐建

三乘庵 在府西南六十里宋景定間僧卿建

圓覺期堂 在府西南六十里宋熙寧間建

太平禪寺 在胥浦南初名太平興國禪院宋

紹興二年僧曇無竭建元燬至正甲申僧潤玉

隱建于浦北寺有松風閣僧元鎮建

報恩寺 在府西南四十里元皇慶間建

陸墳庵 在府南六十里元至正間僧道盟建

龍門院 在府西南六十里元至正三年龍門

寺僧省建

澄鑒禪寺 在泖橋俗呼泖橋寺唐天寶六年

僧隆建後燬於兵宋僧本一淨慧復建明萬曆
間重修復構香印齋清音堂寮宇幽潔頗稱勝
地今頽廢

張墳庵 在府西北二十三里

興塔禪寺 在泖橋西卽宋興塔院創建無攷

治平初僧慧月重修紹興四年賜額

萬竹林庵 在府西南四十里明洪武三年建

觀音堂 在府南二十七里明洪武間僧皓建

海慧教寺 在風涇白牛市宋建隆初里人姚

廷睿捨宅建初名興國福壽院治平元年改爲海慧院今祀姚爲伽藍神寺有水波壁畱春亭精進閣並廢

慈福庵 在府西宋慶曆間僧濟建

積慶庵 在府西南宋景定間僧濟建

崇敬庵 在府西南宋咸淳間僧清建

北華嚴庵 在府西南宋天禧間僧道隆建

南華嚴庵 在府西南

圓智教寺 在干山舊名禪居唐大中十三年

建于婁邑西南二里晉天福中壞于水始遷于

干山其地晉陸士衡草堂遺址也宋太平興國

中都水使錢綽始建堂宇住僧熹蟾嘗入天台

韶國師室人多歸之精舍始備賜師號崇慧明

教治平中賜今額有寶塔在山之半明萬曆中

岡卿林景暘重修法堂左爲二俊祠

東巖塔院 在府東南三百步宋皇祐間建

崑山塔院 在府西北二十三里卽今小崑山

泗洲塔院宋乾道元年建明弘治四年天童僧

忠詔住持建觀音殿嘉靖二十年建真武殿二十六年重建西方藏殿并起僧寮隆慶元年僧真覺建三聖閣于左萬曆中僧照徹建經藏閣皇清順治五年僧溯本源以山勢宜北殿獨南向經閣反踞其前形家疑之遂鳩工移易法像不動一時偕旋觀者謂有神助云

壽安教院 在干山東元大德間僧師安建

圓修懺院 在干山東元延祐中里人曹氏建

澄照禪院 在泖中吳天澤記云唐乾符間老

僧如海築基泖中作井亭施湯茗建塔五層標燈爲往來之望明嘉靖間僧智明建大雄殿其徒自正于隆慶六年築石隄以爲外護建寶藏閣以奉大藏經陸宗伯樹聲與弟中丞樹德置常住出萬曆十八年又構潮音閣前隆慶三年丈田均糧以泖塔在湖中滄沒不常遂得免科萬曆元年復建青浦泖以西俱屬焉獨塔基因不起科仍隸華亭今屬婁

延恩院 在雲間第一橋北本延恩報德院在

今秀野橋宋紹興四年律師元偉即接待院舊址為之守臣劉徽制為之請額後廢明正統間越僧可立得郡人黃氏地建因舊額而名其前為祭江亭明成化二十二年知府劉璟建每歲漕運起行設祭于此弘治末知縣張岐重建古蘭若 在府西門外張涇側古鐵笛和尚舊址明萬曆四十二年江右僧瑞庵草創未竣其徒三無拓而新之
直指庵 在花園浜後江右僧慧雲建

竹林庵 在張家浜內明崇禎元年僧海譽建
三昧庵 在花家涇明崇禎十年粵僧真福贖俞晉地擴基增建又置常住田二十四畝
貝多庵 在郡西六里枕陸家浜明萬曆二十一年僧心鑑建置田三十畝及書本藏經
菱蘆庵 在跨塘橋西南江家浜明天啓元年僧一乘建置常住田二十畝

不香庵 在菱蘆庵側船子和尚曝蓑處
潮梵庵 在秀州塘俗名小普陀僧真林建

楞嚴庵 在四十一保石湖塘西初名與賢庵
僧元徹受戒于三昧大師遂捨宅爲庵置常住
田九十六畝

眞修庵 在石湖塘至拙居士顧可容建子伯
齡修

崇寧庵 在靈濟橋南明萬曆間建

集福保國水陸禪院 在白牛市東宋淳熙九
年請額

白蓮寺 在海慧寺南宋紹興間請額

圓通庵 在風涇明萬曆二十五年里人費氏
捨地建孝廉王獻吉捐田十三畝以贍梵修

清庵 在呂巷宋紹興三年建明成化間改名
圓通萬曆六年里人吳丕顯修僧復建觀復堂
大悲庵 一名慈庵在呂巷明崇禎十年建

心庵 在呂巷東明天啓七年里人吳煒建
明發禪院 在南陸其址相傳卽元邵天驥舊
宅明崇禎間姚氏建

皇清順治間爲百癡禪師道場

小普陀 在干巷僧寂空開山曹蕃建

廣福寺 在張涇堰宋嘉熙間建

寧福寺 在七保俗呼前岡寺

慧攝庵 在浦南前岡

聖月庵 在鶴蕩涇北近阿陀橋舊名阿陀庵

有寒山訪船子遺蹟明萬曆四十三年重修

法華庵 在橫涇橋東里人杜允江建

寧壽庵 在景家堰里人顧士麒建

瑞華閣 一名放生臺在金沙灘

太平庵 在大張涇橋西有八角井僧海濱建

潮音閣 在府西南投服浜明萬曆十五年以

浦口常溺人建閣鎮之天啓元年僧性澄重修

雨華庵 在放生河北僧化儀建

龍德庵 在府南門外雙廟明萬曆中建

長生庵 在府南門外官紹塘明崇禎元年僧

寂敬建

華嚴庵 在府南門外僧海雲建

拈花室 在教場南郡人徐氏捨地僧宏念建

置常住田二十畝

茶庵 在普濟橋從郡至金山往來要道僧了凡建明萬曆間濬城河宗伯張鼎得施茶庵古碑卽置庵中

大悲禪院 在府南門外亦名蘭玉山房侍郎錢士貴建後敕立特祠于左

葦庵 在府南城河下明萬曆乙巳宗伯張鼎爲僧守心建

千華庵 在包家橋北新街明崇禎八年建

六和庵 在府東北十五里明萬曆間里人顧承學建好義無子歿卽葬于庵西

三乘庵 在妙嚴寺西北隅與寺隔一清河亦屬寺址明崇禎間僧寂覺與徒照耀築堤構舍因寺之始剏原名三乘卽以名其庵

衣珠庵 在白龍潭登龍橋南塊僧慧名建
護生庵 在西林塔後二里離言塔在其右

蓮花庵 在白龍潭北明崇禎三年僧普明建
三義廟 在郡西皇華亭之右初爲漢壽亭侯

廟明洪武年間建嘉靖末知府朱茹同知熊汝器鄭復亨改三義廟晉商郝紬協成之僧明存開山崇禎十六年晉商王晉等重修僧玘貞董其役左立火神廟右構大士閣

慈濟院 在海中金山絕頂宋元豐間僧惠安建紹興元年請額

長春道院 在府城集仙門內橋北元大德十年道士鄭道真建爲境內全真教祖

谷水道院 在府城西谷水坊內前志云在瑁

湖北許尚百詠題有道院註在西湖之西後爲延氏蔬園疑卽此地宋寶慶二年建明洪武二十年增修後燬於火道士黃碧牕里人馬驥重建今湖已湮院南悉爲民居其外二水縈紆不知爲湖矣中有來鶴亭東雲所

昇真道院 在府東南法華橋元至正二十二年年道士郎道一建

元真道院 在張涇堰元至正二年里人楊子正建明洪武十六年鄒德方重修

谷神道院 在府南五里明洪武四年建今廢

上真道院 在府北三十里明洪武四年建

清谷庵 在府西北二里元至正四年道士蔣清谷建今廢

祐聖道院 在府東北葛家渡元至正間道士張守元建今廢

崇真道院 在細林山元至正間建明洪武十四年道士彭素雲重修成化七年道士陳愈清修殿建東堂五間有蒲龕是素雲故物弘治間

猶存萬曆中增建關帝祠朝真閣

普寧寺 在府南黃耳塚俗訛爲黃泥蕩故寺

亦呼黃泥宋慶元六年尼如湛建

貞靜庵 在橫潦涇尼貞如住持吏部尚書張瀚陸光祖各有記

太素道院 在府南郭外元至正九年邑人劉惟一入道時所建南瞰瓜涇林木幽蔚中有端坐全真之所曰雲巢故號雲巢子楊維楨錢惟善周之翰日往遊焉

泰山行宮 在跨塘橋西號聖母廟明嘉靖十五年道士陸鉞建陳陞重修

雲西堂 在跨塘橋南明天順七年道士張允真建與祭江亭相望郡人祖餞必登焉

石湖道院 在府西南以塘名

三教堂 在莫家巷西今廢

永壽道院 在干巷鎮宋寶慶間道士張清隱建明洪武初重修萬曆三十二年道士沈儀卿楊士楨建梓潼閣

祥澤道院 在泗涇

上海縣

觀音禪寺 在縣西宋崇寧初建淳熙三年賜

額慈報禪院僧覺印開山元燬明洪武十六年

僧性重建改今額為縣之首刹前有嘉林後有

萬工山占地數畝已平為田其陂陀古柏即遺址也

寧國寺 在二十六保宋隆興元年僧昌月堂建時有張百五公最富寺蓋其經始乾道二年

請額與龍華寺南北相望殿前羅漢松四株枝幹森矗古色蒼然蓋三四百年物也明天啓六年重修復移張家浜內

福基寺 在三十保元至元間僧明心建

積善院 在二十五保宋慶元間千戶徐名建

僧顯開山

潮音庵 在十九保元至元間邑人瞿仲賢建

僧性開山

常寂庵 在十九保石筍里元大德間僧照建

皇清順治間僧九如與徒示權增葺因常寂之名僧希永年遂易名南山禪院有西樓地極幽蔚里中士下帷於此者後多至顯宦

法華禪寺 在邑之西十八里觀音寺東宋開

寶三年僧慧建博士王昭素請額元至大初僧

慶重建明洪武六年僧善達修宣德十年復新

之崇禎末里人夏若時僧羅筏又修佛閣

皇清順治五年重修

法華院 在二十二保元至正間里人陶侃捨

地僧福開山

東林庵 在十九保元大德六年邑人毛義甫建僧智開山

福田庵 在三十保元至正間僧壽建明嘉靖間里人王槐重修

積善講寺 在縣治西北宋紹興間里人李阡夢金人乞坐地遂捨地為精舍度其孫師立主

之元至大間有番賈航海南來拜師立道上云慕師高德以寶貨一巨艘施之不通姓名而去

立遂大拓舊規請額為積善院明成化間重修

皇清康熙己未大殿傾圮有維揚僧海潮颺然到寺善信雲集大殿重新山門鐘樓以次修復今寺

為本縣祝

聖習儀之地僧會司治焉

安國講寺 在二十二保宋咸淳乙丑里人朱性建僧蓮開山

珍敬庵 在二十二保宋端平甲午邑人吳居

四捨宅建僧遠開山

南積善教寺 在十七保宋紹興間僧師淨建
西林懺院 在二十四保宋淳熙間僧文逸建
後有慈悲閣

皇清康熙十一年僧元徹募里人張文魁重修

海會院 在二十四保元大德間僧果建

龍華教寺 在黃浦西龍華村相傳寺塔爲吳

赤烏年建殿宇創于唐垂拱三年廢吳越忠懿
王常泊浦上風雨驟至草莽間祥光燭天鐘梵
隱然詢其地古龍華寺基也因重興建宋治平

初賜額曰空相西北隅舊有白蓮教院前有寶
塔時時放光至今存焉舊有山門門外有二井
俗呼龍井明嘉靖間山門燬于倭僧慧林重建
萬曆間詔頒佛藏于諸名山僧達果疏請特遣
中涓齋敕詣寺并賜達果金環紫衣護藏慈聖
皇太后復賜其徒理圓銀環紫衣護藏如其師
又賜範金千葉寶蓮毘盧佛一金彩結旛十丈
并日月錦旛二鏤銅器五敕賜大興國慈華禪
寺後正殿傾圮四十六年方伯張所望倡助成

之明末善士陸謚復捐金修葺

皇清順治四年韜明宗禪師住持梵宇鼎新禪宿雲集復成偉刹矣

通濟庵 在十八保元泰定間僧深建

覺城庵 在二十一保宋紹興二年僧道然建

永寧教寺 在新場鎮元至元辛卯邑人瞿霆

發建僧允恭開山名報恩懺院有鐵佛高尺餘

相好殊特建院時得之土中明洪武中改額

南淨土講寺 在吳會俗呼南王寺又呼王家

寺宋淳祐中王晉公遠孫雲卿創建僧吉開山

初名九品觀堂元大德中改今額明洪武間復

與宣德間燬正統初僧古田重建

資壽寺 在吳會北舊為院元至元末普照寺

僧嚴肇建以地多王氏所居俗呼北王寺

資福庵 在十九保宋建炎三年邑人瞿二建

屢經頽毀

皇清康熙九年僧明理重修

福泉庵 在十九保元至正二年僧成建

東禪庵 在十九保元至正初邑人潘荊州建僧智福開山

崇慶教寺 在北蔡寺旁宋嘉定間邑人蔡功創僧顯開山

善慶庵 在二十保元至元間僧勝建

永定講寺 在周浦鎮宋淳熙間趙宮使建僧恩法華開山十四年請額

永定禪院 元至正間僧妙智作藏殿明洪武中改額成化間僧月庵募建金剛殿嘉靖中毀

皇清順治十三年里民張彥聖倡助重建萬佛閣于

舊址康熙二十年僧曇英募修山門牆垣里士

朱源夏潤等塑文昌關帝像于佛閣爲文社地

云寺東南隅有銀杏樹宋時所植大可蔭二畝

陳墳庵 在十九保元大德間僧圓建

崇福庵 在十九保魯家匯西宋天聖元年建

俗呼草庵張之象題額天啓四年僧淨淵重修

法華經堂 在二十五保宋紹興間邑人吳常

山建僧有堂開山

大聖教寺 縣東南四十里宋紹興間有異鳥

止於郊鄉人疑爲鳳凰曰鳳凰非寶地不止遂

發地得泗洲僧伽像僧思修因建寺焉隆興二

年請額後廢明初卽普淨院榜今額

仁壽庵 在十九保宋淳祐間邑人瞿均用捨

宅建僧普安開山

圓修庵 在十九保元至順間建

沈和庵 在十七保元大德間僧妙智建

慶寧教寺 在二十二保南踰村宋建炎間僧

園募郡馬建後燬于兵元大德間重建

竹隱庵 在二十二保宋建炎間僧道譚建

孝思庵 在二十二保宋建炎間里人陳七郎

建僧權都正開山

時思庵 在二十二保宋乾道三年邑人陳九

建僧習開山

蓮隱庵 在二十二保宋寶祐五年邑人顧嗣

建僧昭開山

圓通庵 在二十二保元僧閒重建

西圓通庵 在二十一保宋景定間顧千一建
僧裕開山

五福庵 在二十二保宋咸淳元年邑人陳百
十八建僧暹開山

法華庵 在二十三保宋僧智了建

太平教寺 在二十三保華亭太平禪寺在其
西俗呼爲東太平宋太平興國間僧及操舟雲
遊夜泊范家浜聞蘆葦間有鐘鼓音疑出梵宇
訪之無有後夜復然又見白光燭天發地得鐵

佛一因以建寺後廢于兵僧旻秋堂重建

致思庵 在二十三保宋淳熙六年僧修建

華嚴庵 在二十三保宋寶慶元年僧道安建

圓通庵 在二十三保元至正初僧叢建

靜安教寺 在蘆浦初在滬瀆吳赤烏中建號

重圓寺唐更末泰禪院宋大中祥符初改今額

嘉定遷此寺故有雲漢昭回之閣閣廢六字刻

諸石有江中浮來石像石鉢有吳越王瑜珈道
場中毘盧遮那像五臟皆書錢氏妃嬪氏名有

赤烏碑陳朝檜講經臺蝦子禪湧泉綠雲洞與
滬瀆壘蘆子渡爲八詠

衆善庵 在二十五保宋太平興國間僧禮建
圓明庵 在西門內顧孝子墓側明洪武十一
年建萬曆三十年僧大愷住持宗風丕振

廣福講寺 在縣西後晉天福間建明成化間
重修內有潘恭定祠

齊昌寺 在縣治南久廢
崇寧庵 在縣東南

度門寺 在十六保閔行鎮元至正二年水月
禪師建倭廢後僧照庵及其徒孫元白重修

印月庵 在二十一保里人郭蔭周建延行僧
居之諸孫皆讀書于此有秋潭梅龕諸勝

長壽寺 在二十一保宋乾道中僧如行開山
元至治間楊載撰碑元末兵燬明成化元年僧
惠瑛重建萬曆初住持僧秉科與徒明德增修

青蓮庵 在縣西北
集慶庵 在三十保

石牌庵 未載處所

正陽道院 在縣治東南元至正十一年里人
潘守真建縣之陰陽學設于此俗呼小仙宮明
初併入通元觀

松江道院 在縣治東南高昌鄉宋咸淳間建
鹽監官祝聖之地董楷有記後燬元至正二十
年道士曾景元重建明洪武三十年道士趙彝
善重修今廢

仁濟道院 在吳會元至元間里人王氏建至

正初韓日新重修

平山道院 在十八保明洪武七年里人沈子

文建永樂元年道士項子通修按晉袁崧犒軍
長人鄉酒罄聚瓶為山後人尚有于此得瓶者

洞元道院 在十九保元延祐七年建

祥寧道院 在十九保元至正二十四年里人

施道良建

真聖堂 在十九保元至正二十年建

神霄雷壇 在十九保元至順四年建

太清庵 在十九保元至正間道士張靜雲建
保和道院 在烏泥涇元至元間趙如珪建
葆真道院 在烏泥涇南張氏南山故址
鶴坡道院 在鶴坡宋潘德建
青浦縣

昭慶禪寺 本佘山靈峯庵宋慈雲昭慶禪院
紹興二年馬嶧禪師法寧建有塔有金沙地芥
子庵元季兵燹明洪武二十四年僧德智重建
永樂十二年僧智與古庵鼎建觀音殿藏殿并

兩廊又募銅鑄鐘垂成而智示寂正統七年僧
法雲成之又與徒道圓建鐘樓天順中建毘盧
閣

祥澤庵 在府北十八里當祥澤之匯元至正
初僧道堅建堅嘗叅千巖長禪師有所警悟
大覺庵 在府北十五里元至正間僧信覺建
接待庵 在府東北五十四里元至正間建
宣妙講寺 本佘山西庵宋爲宣妙院治平二
年賜額寺在上方明正統六年越僧虛白堅及

其徒宗昇洪慧等相繼興建

普照寺 本佘山東庵宋太平興國三年聰道人開山治平二年賜額普教院寺亦以名山有道人塔下有月軒旁有虎樹亭道人在山時有二虎隨侍道人死虎亦死瘞之塔旁踰年生銀杏樹二僧隱闢亭其間以虎樹名

澱山禪寺 在薛澱湖中山頂宋建炎初建紹興八年賜額普光王寺內有會靈祠祀降聖夫人今爲伽藍神何松年記云秦之時邢氏有三

姑長曰雲鶴夫人主沈湖次曰月華夫人主柘湖季曰降聖夫人主澱湖卽此相傳神靈甚赫嘗大旱禱雨隨車而至每歲湖中羣蛟競鬪水爲沸騰獨不入祠元天曆元年寺燬郡人唐昱重建明改今額萬曆中復燬僧性沂重建壽安講寺 在鍾賈山下本淨行庵元元貞中僧崇仁等建明末樂間僧虛白重修後請壽安廢院額以名萬曆中慧解蓮儒重新之內有棲雲樓後卽半雲亭

福慶庵 在府西南三十里元至正間僧顯建

集賢庵 在府西南三十里元延祐間僧智建

福泉庵 元至正間僧世建

塘橋庵 元至正間僧各建

頤浩講寺 在金澤鎮宋景定中里人費輔之

始創經堂僧道崇主之其徒如信開拓遂成大

刹雖杭之靈隱蘇之承天莫匹其偉元元貞中

賜今額明洪武中僧大圓重修內有五老峯方

丈趙文敏書枯樹峯桃源洞金鯽池不斷雲梅

雪軒尚書古榻天香亭諸勝蹟萬曆五年徐文

貞階以賜袞留鎮山門乃於殿西北作樓三楹

貯之莫方伯如忠題曰有袞樓

歸真庵 與頤浩寺鄰元至治間僧堅建

七寶教寺 在七寶鎮初名福壽在陸寶山本

陸氏香火祠俗呼陸寶庵既徙吳松之曲請于

吳越王賜以金字藏經曰此亦一寶也遂改今

名後松江潮壞三徙于茲宋初張澤捨宅為寺

今為伽藍僧信協力重建大中祥符元年請額

寺有五代時檜及羅漢松今檜亡而松猶存明成化十九年建大士殿萬曆十三年重修大殿成引橫瀝水四圍前石橋為中香花橋左右為東西香花橋南出市街

南七寶寺 在三十五保宋大中祥符元年建

報慈庵 在三十五保宋咸淳間僧密建

餘慶庵 在三十五保

德濟庵 在三十六保

壽安施水庵 在府東北三十里宋紹興間建

戚宅庵 在府東北四十里

法華庵 在府東北四十里宋元豐間僧壽建

元至正間僧真修

聚沙庵 在府東北四十里元豐間僧妙堂建

資慶庵 在府東北四十里宋咸淳間建

施水庵 在府東北四十里宋咸淳間僧奉建

顧志云在莘莊鎮南舊有趙孟頫金書法華經

明崇禎元年僧聖炯建萬壽佛閣

福智庵 在府東北四十里元大德間僧智建

普門教寺 在盤龍塘俗稱盤龍寺唐大中十

二年吳人陸素建名觀音院宋祥符元年賜額
有石天王舊傳大水中漂至人多禱之

德濟庵 在簞山元大德三年邑人張謙建僧

穹開山東堂後骨塔有松上覆如偃蓋然

華潮圓通庵 在三十三保華潮浦上宋宣和

三年僧言建

崇壽講寺 在吳淞北楊林俗稱楊林寺宋元

祐間僧欽法華建

普光寺 在青龍鎮卽普光教院宋紹熙五年

里人杜國珍建僧印開山中有勁節亭明初廢

正統元年僧湛秋淵始建法堂成化間僧普馨

以次復興而始盛

西隱庵 在泰來橋市枕漕溪降福橋宋乾道

中建中有古柏古桂天圓地方池趙孟頫碑記

戴墳庵 在四十五保元至正十年邑人戴誠

甫建僧學開山

張浦庵 在三十三保元至正間僧忠建

布金禪寺 在四十七保大盈村俗稱大盈寺
本法雲院唐太和二年孫均建宋易今額復爲
院佛殿鐘樓山門法堂歷宣和建炎淳祐諸年
郡武弁顏霸孫曹諸人始備元至元間僧性并
重修有巨釜浮江而至爲寺勝蹟

青巖塔院 在三十八保元至元二年僧輝建

眞淨院 在唐行南元至大初里人曹宣慰建

僧印月江開山

法會庵 在青龍南元至正十六年僧古鑑建

管浦庵 在管浦上元至正間僧衍建

寶月禪院 在城內生春橋西元至正間僧善

定建佛像皆脫沙塑牌位皆名賢書後有梅花

林爲寺之勝致明正德辛未積雨橋壞鄰人請

于縣欲撤其材以爲橋遂廢萬曆元年重建

隆福教寺 在青龍鎮初名報德唐天寶間建

至長慶中始建寶塔昇仙臺在其前宋大中祥

符間有暢法華駐錫寺中日誦法華年八十化

去僧澤隨瘞其靈骨于寺門之左建石塔以識

之元大德三年主僧普善募宣慰使司任仁發重修明季傾頽殆盡

皇清順治五年百愚斯禪師住持法緣駢輳興構一新

隆平寺 在隆福寺北故俗稱南寺北寺本朝清院唐長慶元年建宋太平興國中僧寶重建明嘉靖後改爲新縣城隍廟後移縣唐行欲遷之不果有寶塔亦廢

福善寺 在內勳浦之陽梁貞明六年僧智道

建時多虎患道至虎卽遜去晉天福二年額名尊勝院宋大中祥符元年改今額

寶林庵 在三十三保宋嘉泰四年僧墳建

東濟庵 在四十六保元至正元年僧敬建後圯明隆慶初顧少卿從禮重建萬曆二十四年燬陸宗伯樹聲吳太僕炯卽里人薛汀所捨地重創梵宇更名慈濟

慧日教寺 初名普寧慧日院在孔宅里俗呼孔宅寺寺有宣聖祠相傳祠中有古柏二曾有

鳳棲其上今存其一皆孔廟中故物也宋元豐間賜額景定中重建僧智源開山易今名

衆福院 與西隱鄰元大德間里人曹宣慰重建僧法暹開山

利濟庵 在衆福東元泰定間唐昱建僧穹開山明嘉靖中毀萬曆九年僧如法重修

明遠庵 與利濟衆福相望宋淳熙間僧聚建崇福庵 一在二十二保宋嘉定間邑人陶光顯建一在四十四保元大德二年僧性建一在

四十六保元至正間僧永泰建

願豐禪院 在北門內明萬曆二十二年僧廣本建天啓元年僧大徹擴基重修

迎春庵 在東門外舊名施水庵又名包庵明時修今爲迎春之所

祐聖庵 在小西門外

沙瀝庵 在北門外

優曇庵 在南門外僧行瑜明然倡建

崇寧禪院 在五十保明萬曆四十六年建

明遠慈門禪院 在朱家角鎮放生橋南舊為
 明遠庵明嘉靖間燬于兵萬曆三十七年僧性
 潮請于上舍諸從禮秉禮得地十畝諸商捐資
 興建三十九年敕賜護國明遠慈門寺并賜烏
 斯藏大士一尊經十二部構傑閣于殿後貯之
 崇禎元年構鐘樓置常住田三十餘畝鎮中善
 信結放生社于橋下永禁漁罟後僧寂心重修
 福田庵 在沈巷鎮東明萬曆三年建
 香光庵 在沈巷鎮明萬曆三十八年建

海月庵 在高許鎮明嘉靖中僧慧蓮建
 資福寺 在四十一保
 頤賦寺 在四十一保宋末李氏捨宅建
 頤正寺 在四十一保金澤鎮南
 蓮社庵 在頤浩寺南元泰定間僧順建明天
 順中修
 永靜庵 在蓮湖中相傳明洪武間沈萬三秀
 耕于其地鳴鐘鼓鳩衆傳餐故曰萬圩有大士
 自水中流至里人延金田寺僧宗慧結茅而居

萬曆中勅建水中香刹幾與泖塔埒矣

衍渡庵 在澱湖西舊石神廟僧道統修馮夢

禎改題

保安院 在泖西宋乾道七年請額

蘆花庵 在泖口里中曹氏建狀其勝者有百

二十里碧瑠璃三十六陂紅菡萏之句河南僧

大隨重修

真聖堂 在泖西去府七十里明洪武十三年

道士彭素雲建

雲隱庵 在澱湖西王巷村南接石神廟宋咸

淳間僧如隱建元至正間僧順重修明正德間

里人懷宗信重建萬曆中重修

清涼庵 在府西二十七里宋咸淳間建

輝和庵 在泖西金田村元至正中僧允中建

有銀杏羅漢松各一皆宋時植

覺海庵 在府西北五十里元至正間建

化東庵 在府西北六十里元至正間建

善會庵 在府西北六十里元至正間建

語澤庵 在四十三保元至正間僧道正建

法華庵 在四十三保宋元豐間僧濤建元至

正間僧真重修

慶福庵 在四十二保元泰定初僧正固建明

洪武正統間重修天順中再修

任鄧庵 在四十二保明洪武初建

普明庵 在四十五保元至正間任總管建

長壽寺 在大蒸

蓮花庵 在小蒸西元時建以地形似蓮花名

定心庵 在四十一保小蒸南元天曆間僧心

如月建

土地庵 在四十一保宋咸淳二年僧溥建明

洪武中僧瑞潭天順中僧智澄宗潮重修

無盡庵 在小蒸元泰定間僧淨建

隆興庵 在四十二保朱家村明隆慶元年建

資壽院 在三十八保元大德間僧性建

毛太師庵 在郊店東

勝果寺 在青龍鎮隆福隆平之西宋乾德間

造有浮圖一座寶慶時毀妙悟師由隆平徙此寺有沈光碑

東隱庵 在五十保元至正二十二年僧勤建真如寺 在青龍鎮南

靜節庵 在小趙屯浦上

福聖教寺 在彝山西俗呼徐家觀宋嘉熙中里豪登仕郎徐芝一夕夢神人曰余錢神也為子守藏久矣有無聚散繫我攸司禍福吉凶唯人自召人身難得佛土難居既入寶山豈宜空

手子試思之芝驚寤曰錢豈真有神哉吾心之神有以格之耳由是捐資勸為茲山續請于朝賜額

慶陽院 在鳳凰山元大德間張瑄建

報恩院 在余山之陰元大德間建

福巖懺院 在余山之陰元大德年間宣慰副

使徐世英建僧杲開山今廢

昭福院 在余山左宋末邑人曹氏建元皇慶

中敕賜士波僧主之

潮音庵 在東余之南麓舊名華嚴庵宋聰道人修禪靜習之處道人定中間潮聲雷涌俄觀觀音大士乘巨鰲冉冉潮端遂改今名

順濟庵 在余山西北潘蕩慶豐橋側元至正

二年穹禪師建明正統中評事諸秉文重修

甘露亭 在鍾賈山東僧慧解重修

玉宸道院 在余山西麓元至正三年邑人衛

宗武建明年自為記并書

玉清觀 在鍾賈山元大德間道士曹紹甫建

翰林待制除知松江府賈汝舟記

崇真道院 在三十八保

通圓觀 在青龍鎮宋景祐元年道士葉管轄

建明洪武六年道士秦守宗重修

朝真道院 在四十四保福泉山元大德間穎

川薛冷雲居此修煉至大二年里人任仁發建

泰定後關中楊草庵嗣之明洪武十九年道士

楊德譽重修

崇真道院 在四十七保元至正元年里人戈

奉史建

元壽堂 在四十六保名無量壽堂

崇敬道院 在四十六保明洪武年間建

大盈道院 在四十六保元道士金古山建

會仙道院 在會仙浦東元時建

真武道院 在三十一保

玉皇閣 在三十八保明洪武初建里人富懋

重修

南聖堂 在沈巷明嘉靖二十五年道士趙可

真建

澱山真聖堂 在四十三保明成化中道士黃

德成建

覺乘寺 在四十二保里人盛氏女與甥女錢

氏俱為尼因建俗呼錢盛寺

